四 庫全


書

薈

要・乾

隆 御

即览本史部



帝謂之曰六府事殷一以相付朕將逐事東方無西 尚公主美姿儀好書愛士甚有令名於當世時人號曰 쇱 )憂矣其見親信如此宣帝即位遷吏部中大夫加上 埞 欲有計議瓚素與髙祖不協聞召不從曰作隋國公 同未幾帝崩馬祖入禁中將總朝政令廢太子勇召 三郎武帝甚親愛之平齊之役諸王成從留瓚居守 大宗伯典脩禮律進位上柱國邵國公瓚見高祖執 匹庫 能保何乃更為族滅事那高祖作相選大將軍尋 生丰 顀

后不平及此鬱鬱不得志陰有咒詛上命瓚出之瓚 字斌籕性引厚美姿容頗解鍾律高祖受禪封邵 後坐事去牧以王就第瓚妃宇文氏先時與獨孤皇 古思禮更薄開皇十一年從幸栗園暴薨時年四十 離絕固請上不得已從之宇文氏竟除屬籍費由是 人皆言其遇鴆以斃子綸嗣 及受禪立為滕王後拜雅州牧上數與同坐呼為阿

肾 4.5

羣情未一

恐為家福陰有圖高祖之計高祖每優容

字足爲善應有沙門惠恩崛多等頗觧占候綸每與交 公邑八千戸明年拜邵州刺史晋王廣納妃於梁詔 )常令此三人爲度星法有人告綸怨望咒詛帝命黄 禮馬甚為梁人所敬編以穆王之故當高祖之世每 侍郎王引窮治之引見帝方怒逐希古奏綸厭蠱惡 自安煬帝即位尤被猜忌綸憂懼不知所爲呼祈者 琛而問之琛答曰王相禄不凡乃因曰滕郎騰也此

坐當死帝令公卿議其事司徒楊素等曰綸希真國

欽

定四庫全書

儋耳後歸大唐爲懷化縣公綸弟坦字文福初封竟陵 為惡有狀其罪莫大刑兹無赦抑有舊章請依前律帝 復徙朱崖及天下大亂為賊林仕引所逼携妻子竄于 海 公族不忍除名為民徒始安諸弟散徙邊郡大業 父悖於前子逆於後非直覬飢朝廷便是圖危社 同心在於孔懷彌須叶力其先乃離阻大謀棄同即 親征遼東綸役上表請從軍自効為郡司所遏未幾

. . .

育書

災以爲身幸原其性惡之由積自家世惟皇運之始

道悼王静字賢福膝穆王瓚之子也出繼叔父嵩嵩在 江都 零陵帝以其脩謹襲封滕王以奉穆王嗣大業末薨於 辭哀思帝見而怒之轉徙南海温弟詵字引籀前亦徙 籍初徙零陵温好學解屬文既而作零陵賦以自寄其 郡公坐綸徙長沙坦弟猛字武籀徙衡山猛弟温字明 道悼王静

쉷

**灾匹犀全** 

卷四十四

周代以太祖軍功賜爵興城公早卒高祖踐位追封道

昭王爽字師仁小字明達高祖異母弟也問世在襁 衛昭王爽嗣王集 日宣以静襲馬卒無子國除

后之所鞠養由是髙祖於諸弟中特寵愛之十七爲內 中以太祖軍功封同安郡公六歲而太祖崩爲獻皇 刺史進位柱國及受禪立為衛王尋遷雅州 上士高祖執政拜大將軍秦州總管未之官轉授蒲 牧 領

欽

定四庫全書

隋書

将軍俄遷右領軍大將軍權領并州總管歲餘進

上柱國轉涼州總管爽美風儀有器局治甚有聲其年 四 明年大舉北伐又為元帥河間王弘豆盧動實荣定高 震慶則等分道而進俱受爽節度爽親率李元節等 将出朔州遇沙鉢略可汗於白道接戰大破之唐獲 悅賜爽真食梁安縣千户六年復為元即步騎十五 爽爲行軍元帥步騎七萬以備胡出平涼無勇而還 合州突厥通逃而返明年徵爲納言高祖甚重之 驅馬牛羊鉅萬沙蘇略可汗中重 創而通高祖

左道厭盡君親公然咒詛無輕幽顯情減人理事恃先 **集惡逆坐當死天子下公卿議其事楊素等曰集容** 章熙以祈福助有人告集咒詛憲司希旨銀成其獄奏 斃其夜爽薨時年二十五贈太尉冀州刺史子集嗣 左右驅逐之居数日有鬼物來擊榮宗榮宗走下階而 未幾爽寝疾上使巫者薛榮宗視之云衆鬼爲厲爽令 字文會初封遂安王尋襲封衛王煬帝時諸侯王恩 漸薄猜防日甚集憂懼不知所為乃呼行者俞普明

定四車全書

隋書

子之重縻之好爵匪由德進正應與國升降休戚是同 從義斷但法隐公族禮有親親致之極辟情所不忍於 乃包藏妖祸誕縱邪僻在三之義愛敬俱淪急難之情 是君父之罪人非臣子之所赦請論如律時滕王綸 與相連帝不忍加誅乃下部曰綸集以附善之華猶 懷頓滅公鄉議既如此覽以潜然雖後王法無私思 除名為民遠徙邊郡遇天下大亂不知所終 蔡王智積

蔡王智積高祖弟整之子也整周明帝時以太祖軍功 積襲馬又封其弟智明為高陽郡公智才為開封縣 ?爵陳留郡公尋授開府車騎大將軍從武帝平齊至 衛趙貝八州刺史高祖受禪追封蔡王諡曰景以 頃之以修謹聞高祖善之在州未當嬉戲将獵聽 拜智積爲開府儀同三司授同州刺史儀衛資送甚 州力戦而死及髙祖作 相 贈 柱國大司徒冀定藏 相 智

端

٠

有自

坐讀書門無私謁有侍讀公孫尚儀山東儒

府佐楊君英蕭德言並有文學時延於座所設唯餅果 有 酒繞三的家有女妓唯年節嘉慶奏於太妃之前其簡 曰告平原露朽財帛苦其多也吾幸無可露何更營子 與獨 五男止教讀論語孝經而已亦不令交通賓客或問 祖知其若是亦哀憐之人或勸智積治産業者智積 如此告高祖龍潛時景王與高祖不睦其太妃尉氏 一智積荅曰卿非知我者其意恐兒子有才能以致 孤皇后不相諧以是智積常懷危懼每自貶 損

歃

定匹庫全書

卷四十四

守委政察佐清淨自居及楊玄感作亂自東都引軍而 留攻之城門為賊所焼智積乃更益火賊不得入數 西 也開元二十年後還京第無他職任闔門自守非朝 智積謂官屬曰玄感聞大軍將至欲西圖闋中若成 智明亦以交遊奪爵智積逾懼大業七年授弘農太 擒耳及玄感軍至城下智積登門詈辱之玄感怒甚 不出場帝即位膝王綸衛王集並以讒構得罪高陽 則根本固矣當以計縻之使不得進不出一句 自

とこり

2


隋古


道玄 恤 億 時跳薄骨肉智積每不自安及遇患不呼醫臨終謂所 宇文述等接軍至合擊破之十二年從駕江都寢疾帝 其危所由來久矣魏晋以下多失厥中不遵王度各 臣曰周建懿親漢開盤石内以敦睦九族外以輯寧 兆深根固本崇獎王室安則有以同其樂衰則有以 曰吾今日始知得保首領沒於地矣時人哀之有子 Æ 卷四十四


所私抑之則勢齊於匹夫抗之則權侔於萬乗矯枉

隸為伍外内無虞顏危不暇時逢多難將何望馬 幸唯衛王養於獻后故任遇特隆而諸子遷流莫知 悲夫其錫以茅土稱為盤石行無甲兵之衛居與毗 樊愈甚是以滕穆暴费人皆竊議蔡王将没自以爲 、之恩素非篤睦閨房之際又不相容至於二世承基 正非一時也得失詳乎前史不復究而論馬髙祖 即此 死


育に







卷四十四第四頁後八行步騎十五萬出合州刋 第八頁後四行於臣何以自處在物謂其平分刊 謹案卷四十二第十八頁後七行誅夷烹醢歷代 卷四十三第一頁後四行高祖請周趙元宅将及 本州訛川據監本改 本在記存據監本改 於難按監本元作王 共尤利本共記其據監本改





校對官檢討

**謄**録

監

生

臣

趙

之望

口助教 臣具省前


녆

鍾

欽定四庫全書着要所書卷四十五至

史部

群校官內閣侍讀追孫 球



革戀土懷舊民之本情波迸流離盖不獲已有齊之末 寧郡公出為雒州總管東京小冢宰總統舊齊之地後 博平侯及髙祖輔政立為世子拜大將軍左司衛封長 已下皆令勇参决之上以山東民多流冗遣使按檢又 屬馬髙祖受禪立為皇太子軍國政事及尚書奏死罪 **微還京師進位上柱國大司馬領內史御正諸禁衛皆** 主間時昏周平東夏繼以威虐民不堪命致有逃亡非 徙民北實邊塞勇上書諫曰竊以導俗當漸非可頓 老四十 真兄弟也豈若前代多諸内寵孽子忿諍為亡國之道 一誠管見輛以塵聞上覽而嘉之遂寝其事是後時政不 竄之徒自然歸本雖北夷猖獗害犯邊烽今城鎮峻峙 溺於嬖幸廢立之所由生朕傍無姬侍五子同母可謂 便多所損益上每納之上當從容謂庫臣曰前世皇王 所在嚴固何待遷配以致勞擾臣以庸虚認當儲貳寸 宇肅清鋒刃雖屏瘡淚未復若假以數歲沐浴皇風逃 厭家鄉願為羈旅加以去年三方逆亂賴陛下仁聖區

惰書

之行引明克讓姚察陸開明等為之實友勇當文飾蜀 汝當儲后若不上稱天心下合人意何以承宗廟之重 鎧上見而不悅恐致奢侈之漸因而誠之曰我聞天道 無親唯徳是與歷觀前代帝王未有奢華而得長久者 那勇頗好學解屬詞賦性寬仁和厚率意任情無矯 쥛 今以刀子賜汝宜識我心其後經冬至百官朝勇勇 兆民之上吾昔日衣服各留一物時復看之以自警 定匹庫全書|

張樂受賀高祖知之問朝臣曰近聞至節內外百官相

義兼臣子而諸方岳牧正冬朝賀任土作貢别上東宫 近代聖教漸虧俯仰逐情因循成俗皇太子雖居上嗣 令選宗衛侍官以入上臺宿衛髙頻奏稱若盡取强者 事非典則宜悉停斷自此恩寵始衰漸生疑阻時高祖 如此殊乖禮制於是下記曰禮有等差君臣不雜爰自 不得言朝高祖曰改節稱賀正可三數十人逐情各去 率朝東官是何禮也太常少卿辛夏對曰於東官是賀 因有司後名一時普集太子法服設樂以待之東宫

隋書

意如我商量恒於交番之日分向東宫上下圍伍不別 雄殺太子毓德東官左右何須强武此極敢法甚非我 恐東宮宿衛太劣高祖作色曰我有時行動宿衛須得

皇后意有他故甚責望勇自是雲昭訓專擅內政后彌

不平頗遣人何察求勇罪過晉王知之彌自矯飾姬妾

言曰臣鎮守有限方達顏色臣子之戀實結于心一幹 甲屈聲名籍甚冠於諸王臨還揚州入內幹皇后因進 行其後晉王來朝車馬侍從皆為儉素敬接朝臣禮極 但備員數唯共蕭如居處皇后由是薄勇愈稱晉王德

THE STATE OF THE

隋書

離又泫然泣下相對戲發王曰臣性識愚下常守平生

能與皇后亦曰汝在方鎮我又年老今日之別有切常

**階體無由侍奉拜見之期杳然未日因哽咽流涕伏不** 

危亡皇后忿然曰現地伐漸不可耐我為伊索得元家 萬歲之後遣汝等兄弟向阿雲兒前再拜問訊此是幾 許大苦痛邪晉王又拜嗚咽不能止皇后亦悲不自勝 如是我亦不能窮治何因復於汝處發如此意我在尚 前新婦本無病痛忽爾暴亡遣人投藥致此天逝事已 女望隆基業竟不聞作夫妻專寵阿雲使有如許豚犬 恐讒諸生於投杼鳩毒遇於杯勺是用勤憂積念懼履 爾我死後當魚肉汝乎每思東官竟無正嫡至尊干秋

為者後數日素入侍宴機稱晉王孝悌恭儉有類至尊 此别之後知皇后意移始構奪宗之計因引張衙定策 至尊及我遣内使到必迎於境首言及違離未當不泣 用此揣皇后意皇后泣曰公言是也我兒大孝順每聞 遣襄公宇文述深交楊約令喻肯於越國公素具言皇 又其新婦亦大可憐我使婢去常與之同寢共食宣若 后此語素瞿然曰但不知皇后如何必如所言吾又何

钦 三日華 全書一个

地代共阿雲相對而坐終日酣宴昵近小人疑阻骨

輔賢曰白虹貫東宮門太白襲月皇太子廢退之象也 謀憂懼計無所出聞新豐人王輔賢能占候名而問之 言太子不才皇后遂遺素金始有廢立之意勇頗知其 帶待之故久不進以激怒勇勇街之形於言色素還言 肉我所以益憐阿麼者常恐暗地殺之素既知意因威 不安在仁毒官使楊素觀勇素至東官偃息未入勇束 銅鐵五兵造諸厭勝又於後園之内作庶人村屋宇 陋太子時於中寢息布衣草褥糞以當之高祖知其

置候人以何動静皆隨事奏聞又東官宿衛之人侍官 勇怨望恐有他變願深防察髙祖聞素譜毀甚疑之皇 密告楊素於是內外誼該過失日聞段達脅姬威曰東 罪高祖感於那議遂疎忌勇乃於玄武門達至德門量 后又遣人伺覘東宫纖介事皆聞奏因加媒蘖構成其 令段達私於東宫幸臣姬威遺以財貨令取太子消息 已上名籍悉令屬諸衛府有健兒者咸屏去之晉王又

官罪過主上日知之矣已奉密記定當廢立君能告之

隋書

意翻邑然愁苦吏部尚書牛弘對曰由臣等不稱職故 衛如入敵國我為患利不脱衣臥昨夜欲得近厠故在 官官屬曰仁毒官去此不遠而令我每還京師嚴備化 冀聞太子之愆弘為此對大乖本古高祖因作色謂東 至尊憂勞高祖既數聞讒譖疑朝臣皆具委故有斯問 御大與殿謂侍臣曰我新還京師應開懷數樂不知何 後房恐有警急還移就前殿豈非爾輩欲壞我國家那 則大富貴威遂許諸九月壬子車駕至自仁壽宫翌日 定四庫全書 | 卷四十五

恒勘我廢之我以布素時生復是長子望其漸改隱忍 天子竟乃令我不如諸弟一事以上不得自由因長歎 自檢校之何關我事又云若大事不遂我先被誅今作 居士黨盡伏法遣我何處窮討爾作右僕射委寄不輕 劉居士餘黨太子奉詔乃作色奮厲骨肉飛騰語臣云 狀以告近臣素顯言之曰臣奉勅向京令皇太子檢校 廻視云我大覺身妨髙祖曰此兒不堪承嗣久矣皇后

於是執唐令則等數人付所司訊賴令楊素陳東宫事

是其體尚告晉太子取屠家女其兒即好屠割今價非 馬嗣明藥殺我會責之便懟曰會殺元孝矩此欲害我 事其婦初亡即以斗帳安餘老嫗新婦初亡我深疑使 女亦是可恨因指皇后侍兒曰是皆我物此言幾許異 至今勇昔從南兗州來語衛王云阿孃不與我一好婦 類便亂宗社又劉金麟諂传人也呼定與作親家翁定 連遣來索且雲定與女在外私合而生想此由來何必 而遷怒耳初長寧誕育朕與皇后共抱養之自懷彼此

害如防大敵今欲廢之以安天下左衛大將軍五原公 妙達共定與女同識妙達在外說云我今得勸妃酒直 典愚人受其此語我前解金麟者為其此事勇害引曹 我雖德慙堯舜終不以萬姓付不肖子也我恒畏其加 以其諸子偏展畏人不服故逆縱之欲收天下之望耳

是時姬威又抗表告太子非法高祖謂威曰太子事跡

讒言罔極惟陛下察之旻辭直争强聲色俱厲上不答 元旻諫曰廢立大事天子無二言語肯若行後悔無及

得從樊川以至于散關總規為苑兼云告漢武帝將起 宜皆盡言威對日皇太子由來共臣語难意在縣奢欲 敏定四庫全書

金輒賜此等若有諫者正當斬之不過殺百許人自然 上林苑東方朔諫之賜朔黄金百斤幾許可笑我實無

會當有一日終不忘之決當快意又官內所須尚書多 水息前蘇孝慈解左衛率皇太子奮髯揚肘曰大丈夫

之禍又於苑内築一小城春夏秋冬作役不輟管起亭 · 執法不與便怒曰僕射以下吾會戮一二人使知慢我

婦女令看東官奏我云勿令廣平王至皇太子處東白 孽子乎當令師姥卜吉凶語臣曰至尊忌在十八年 此 足於外更有求訪朕近覽齊書見高歡縱其兒子不勝 僧婦亦廣平教之元贊亦知其陰惡勸我於左藏之東 期促矣高祖汝然曰誰非父母生乃至於此我有舊使 加置兩隊初平陳後官人好者悉配春坊如聞不知厭

念憤安可效尤那於是勇及諸子皆被禁錮部分收其

隋書

殿朝造夕改每云至尊嗔我多侧庶萬緯陳叔寶造是

黨與楊素舞文巧試銀鍊以成其獄勇由是遂敗居數 情存附託在仁毒官裴弘將勇書於朝堂與是題封云 於驛馬怪之甚久豈非此徒邪遣武士執是及弘付法 日有司承素意奏言左衛元是身備宿衛尚事於勇 曰古槐尤堪取火于時衛士皆佩火燧勇因令匠者造 根蘇蟠錯大且五六圍顧左右曰此堪作何器用或對 治其罪先是勇當從仁毒官參起居還奎中見一枯槐 勿令人見高祖曰朕在仁壽官有纖小事東官必知疾

勇以請話之皇后又責之罪高祖使使責問勇勇不服 勇勇不服曰竊聞公家馬數萬匹勇恭備位太子有馬 解亦搜得之大將為怪以問姬威威曰太子此意别有 數千枚欲以分賜左右至是獲於庫又樂藏局貯艾數 之於庭以示文武庫官為太子之罪高祖遣將諸物示 至恒飼馬干匹云徑往捉城門自然餓死素以威言詰 所在比令長寧王巴下指仁毒官還每當急行一宿便 千匹乃是反乎素又發洩東宫服散似如瑪飾者悉陳

隋書

古儲副或有不才長惡不悛仍令守器皆由情溺寵愛 勇之詔曰太子之位實為國本的非其人不可虛立自 諸親立於西面引男及諸子列於殿庭命薛道衙宣廢 見矣羣臣無敢言者於是使人召勇勇見使者驚曰得 太史令衣克進曰臣觀天文皇太子當廢上曰玄象久 失於至理致使宗社傾亡蒼生塗地由此言之天下安 無殺我即高祖戎服陳兵御武德殿集百官立於東面

定匹庫全書]

危緊乎上嗣大業傳世豈不重哉皇太子勇地則居長

欲愛子實畏上靈豈敢以不肖之子而亂天下勇及其 情所鐘愛初登大位即建春宫冀德業日新隆兹負荷 男女為王公主者並可廢為庶人顧惟兆庶事不獲已 難以具紀但百姓者天之百姓朕恭天命屬當安育雖 所棄欲求不廢其可得耶勇再拜而言曰臣合尸之都 與言及此良深愧歎令薛道衙謂勇曰爾之罪惡人神 而性識庸闇仁孝無聞昵近小人委任姦伎前後愆費 市為将來鑒誠幸蒙哀憐得全性命言畢泣下流襟既

隋書

若不標明典憲何以肅清天下左衛大將軍五原郡公 姦伏離間君親崇長属階最為魁首太子左庶子唐令 而舞蹈而去左右莫不憫默又下詔曰自古以來朝危 則策名儲貳位長宫察諂曲取容音技自進躬執樂器 國亂皆邪臣伎媚凶黨扇惑致使禍及宗社毒流兆庶 左道偏被親昵心腹委付鉅細闊知占問國家希凱災 元旻任掌兵衛委以心膂陪侍左右思寵隆渥乃包藏 教内人賛成驕侈導引非法太子家令鄒文騰專行

妾子孫皆悉没官車騎將軍閻毗東郡公崔君綽游騎 蒙增長騎奢糜費百姓凡此七人為害乃甚並處斬妻 · 崇利經營間構開造禍端前主璽下士何竦假託玄象 妄說妖怪志圖禍亂心在速發兼制竒器異服皆竦規 居省閣舊非官臣禀性浮躁用懷輕險進畫姦謀要射 潛行雜阻進引妖巫營事厭禱前吏部侍郎蕭子寶往 褻獨官関典膳監元淹謬陳愛僧開示怨隙妄起訓誇 禍左衛率司馬夏侯福內事諂諛外作威勢凌侮上下 記曰至尊為百姓割骨肉之恩廢熙無德實為大慶天 盡於是集羣官于廣陽門外宣詔以戮之廣平王雄答 進入春坊率更令晉文建通直散騎侍郎判司農少卿 將作大匠高龍义豫追番丁輕配東官使役營造亭舍 特免死各決杖一百身及妻子資財田宅悉可沒官副 惡論其狀迹罪合極刑但朕情存好生未能盡戮可並 尉沈福寶贏州民章仇太翼等四人所為之事皆是悖 事元衡料度之外私自出給虚破丁功擅割園地並處 飲定四庫全書 /

捷其 曾尋而見州長史裴肅表稱庶人罪點已久當克 書諫曰皇太子為小人所誤宜加訓誨不宜廢點上怒 楊難敵五百段皆勤勇之功賞也時文林郎楊孝政上 付之復囚於東宮賜楊素物三干段元胄楊約並千段 見上面申冤屈而皇太子遏之不得聞奏勇於是升樹 已自新請封一小國高祖知勇之點也不允天下之情 乃徵肅入朝具陳廢立之意時勇自以廢非其罪頻請

下幸甚乃移勇於内史省立晉王廣為皇太子仍以勇

城王筠高良娣生安平王嶷襄城王恪王良媛生高陽 醫樂而姦亂官関事聞於向祖高祖抵狀曰枉廢我兒 成其罪類皆如此高祖寝疾於仁壽官後皇太子入侍 **甩所著不可復收上以為然卒不得見素誣陷經營構** 大叫聲聞於上冀得引見素因奏言勇情志昏亂為癲 不為立嗣勇有十男雲昭訓生長寧王儼平原王裕安 嚴繫於大理微偽為高祖勅書賜庶人死追封房陵王 因遣追勇未及發使高祖暴崩私不發喪遽收抑述元 定四庫全書 | 卷四十五

王該建安王韶成姬生賴川王獎後官生孝實孝節 秦孝王俊字阿祗髙祖第三子也開皇元年立為秦王 皇太孫何乃生不得地雲定典奏曰天生龍種所以因 於道實鴆之也諸弟分徒嶺外仍動在所皆殺馬 願聖心同於盛手不宜復留意煬帝踐極儼常從行卒 雲而出時人以為敏對六歲封長寧郡王勇敗亦坐廢 長寧王儼勇長子也誕乳之初以報高祖高祖曰此即 熙上表乞宿衛辭情哀切髙祖覽而憫馬楊素進曰伏

十二加右武衛大將軍領關東兵三年遷秦州總管隴 右諸州盡隸馬俊仁恕慈愛崇敬佛道請為沙門上不 二年春拜上柱國河南道行臺尚書令雒州刺史時年

盆定四庫全書 |

度陳將周羅賬茍法上等以勁兵數萬屯鸚鵡洲總管 行軍元帥督三十總管水陸十餘萬屯漢口為上流節 許六年遷山南道行臺尚書令伐陳之役以為山南道

遣使奉章請關垂近謂使者曰認當推載愧無尺寸之 崔弘度請擊之俊慮殺傷不許羅帳亦相率而降於是

思每親運斤斧工巧之器飾以珠玉為她作七實暴籬 者百餘人俊猶不悛於是威治宫室窮極侈麗俊有巧 軍事鎮廣陵歲餘轉并州總管二十四州諸軍事初頗 鏡間以實珠極榮飾之美每與實客妓女紋歌於其上 有令問髙祖聞而大悦下書獎勵馬其後後漸奢侈諱 又為水殿香堂粉壁玉砌金階梁柱楣棟之間周以明 犯制度出錢求息民吏苦之上遣使按其事與相連坐

隋書

功以此多熟耳上聞而善之授揚州總管四十四州諸

臣謂可容上曰法不可達昇固諫上忿然作色昇乃止 將軍劉昇諫曰秦王非有他過但費官物營解舍而已 是遇疾後還京師上以其奢縱免官以王就第左武衛 俊頗好內如崔氏性妬甚不平之遂於瓜中進毒俊由 乎卒不許俊疾為未能起遣使奉表陳謝上謂其使曰 其後楊素復進諫曰秦王之過不應至此願陛下詳之 日我是五兒之父若如公意何不别制天子兒律以 公之為人尚誅管蔡我誠不及周公遠矣安能虧法 定四庫全書/

我戮力關塞創兹大業作訓垂範庶臣下守之而不失 之故下詔廢絕賜死於其家子浩崔氏所生也庶子曰 為若子孫不能保家徒與人作鎮石耳妃崔氏以毒王 麗之物悉命焚之勅送終之具務從儉約以為後法也 國二十年六月薨於秦邸上哭之數聲而已後所為侈 汝為吾子而欲敗之不知何以責汝俊慙怖疾甚大都 王府僚佐請立碑上曰欲求名一卷史書足矣何用碑 督皇甫統上表請復王官不許歲餘以疾篤復拜上柱

灾 己 9 巨 人 上

遭父憂哀慕盡禮免喪遂絕魚肉每至思日輔流涕不 承嗣於是以秦國官為喪主後長女永豐公主年十 及俊有疾延恒在閣下衣不解帶俊薨勺飲不入口者 食有開府王延者性忠厚領親信兵十餘年後甚禮之 湛羣臣議曰春秋之義母以子貴子以母貴貴既如此 點大既然矣小亦宜同今春王二子母皆罪廢不合 日贏頓骨立上聞而憫之賜以御藥授驃騎將軍典 則可知故漢時栗城有罪其子便廢郭后被廢其子

THE IN THE IS

竟坐廢免宇文化及殺逆之始立浩為帝化及敗於黎 陽北走魏縣自僭偽號因而害之湛驍果有膽烈大業 浩浩復詣述營兵相往復有司劾治以諸侯交通內臣 之際左異衛大將軍宇文述勒兵討之至河陽修啓於 初為榮陽太守坐浩免亦為化及所害

文色日華 4 45

隋書

宿衛後葵之日延號爋而絕上嗟異之令通事舍人事

王嗣封湛為濟北侯後以浩為河陽都尉楊玄感作逆

祭馬記葵延於後墓側場帝即位立浩為秦王以奉孝

請益左右上不許大將軍劉會之討西慶也高祖令上 獻皇后日秀必以惡終我在當無處至兄弟必反兵部 膽氣容貌壞偉美鬚髯多武藝甚為朝臣所憚上每謂 二年又為內史令右領軍大將軍尋復出鎮於蜀秀有 位上柱國西南道行臺尚書令本官如故歲餘而罷十 於蜀拜柱國益州刺史總管二十四州諸軍事二年進 庶人秀高祖第四子也開皇元年立為越王未幾徙封 侍郎元衡使於蜀秀深結於衙以左右為請既還京師

卷四十五

司馬上以秀任非其人譴責之因謂羣臣曰壞我法者 於天子及太子勇以讒毀廢晉王廣為皇太子秀意甚 必在子孫乎譬如猛獸物不能害反為毛問蟲所損食 開府楊武通將兵繼進秀使嬖人萬智光為武通行軍 耳於是遂分秀所統秀漸奢侈違犯制度車馬被服擬 謝曰忝荷國恩出臨藩岳不能奉法罪當萬死皇太子 不平皇太子恐秀終為後變陰令楊素求其罪而諧之 仁壽二年後還京師上見不與語明日使使切讓之秀

素蘇威牛弘柳述趙綽等推治之太子陰作偶人書上 欲斷其舌因謂羣臣曰當斬秀於市以謝百姓乃令楊 至如是然蜀王性甚耿介今被重責恐不自全上大怒 訓之今秀蠹害生民當以君道繩之於是付執法者開 及諸王流涕庭謝上曰項者秦王糜費財物我以父道 又作檄文曰逆臣賊子專弄威柄陛下唯守虛器一無 及漢王姓字縛手釘心令人埋之華山下令楊素發之 府慶整諫曰庶人勇既廢秦王已薨陛下兒子無多何 敏定四庫全書/

所知陳甲兵之威云指期問罪置秀集中因以聞奏 今者方知愚心不可縱國法不可犯撫膺念咎自新莫 子相見令給獠婢二人驅使與相連坐者百餘人秀既 兹刑網負深山岳甘心九泉不謂天恩尚假餘漏至如 幽逼憤懑不知所為乃上表曰臣以多幸聯慶皇枝蒙 及猶望分身竭命少答慈造但以靈祇不祐福禄消盡 曰天下寧有是耶於是廢為庶人幽內侍省不得與妻 天慈鞠養九歲荣貴唯知富樂未當憂懼輕恣愚心陷

恩賜垂矜愍殘息未盡之間希與瓜子相見請賜一穴 常懷惡樂禍聯睨二官行望災豐容納不逞結構異端 地居臣子情兼家國庸蜀要重委以鎮之汝乃干紀亂 令骸骨有所瓜子即其愛子也上因下詔數其罪曰汝 夫婦抱思不相勝致只恐長辭明世永歸泉壤伏願慈 道不得入官自言骨相非人臣德業堪承重器妄道清 也次當建立汝假託妖言乃云不終其位妄稱思怪又 我有不和汝便覘候望我不起便有異心皇太子汝兄

定匹庫全書 |

卷四十五

横生京師妖異以證父兄之災妄造蜀地後祥以符己 城出聖欲以己當之詐稱益州龍見託言吉兆重述木 **珽又為白羽之箭文物服飾豈似有君鳩集左道符書** 身之鎮汝豈不欲得國家惡也天下亂也輒造白玉之| 易之姓更治成都之宫妄說禾乃之名以當八千之運 釘心枷鏁杻械仍云請西岳華山慈父聖母神兵九億 厭鎮漢王於汝親則弟也乃畫其形像書其姓名縛手

萬騎收楊諒魂神閉在華山下勿令散荡我之於汝親

大足日年 4 年

隋書

幸贼子之心也懷非分之望肆毒心於兄悖弟之行也 也包藏凶隱圖謀不軌逆臣之迹也希父之災以為身 妻廻心歡喜又畫我形像縛首撮頭仍云請西岳神兵 極也多殺不辜豺狼之暴也剝削民無酷虐之甚也难 收楊堅魂神如此形狀我今不知楊諒楊堅是汝何親 嫉妬於弟無惡不為無孔懷之情也違犯制度壞亂之 則父也復云請西岳華山慈父聖母賜為開化楊堅夫

求財貨市井之業也專事妖邪頑器之性也弗克負荷

庶人諒字德章一名傑開皇元年立為漢王十二年為 為帝羣議不許於是害之并其諸子 之甚也欲免禍患長守富貴其可得乎後復聽與其子 七年出為并州總管上幸温湯而送之自山以東至于 同處場帝即位禁錮如初字文化及之裁逆也欲立秀 不材之器也凡此十者滅天理逆人倫汝好為之不祥 雍州牧加上柱國右衛大將軍歲餘轉左衛大將軍十

於 定 日 車 全 書

.隋

滄海南拒黄河五十二州盡隷馬特許以便宜不拘律

太子幾麼居常快快陰有異圖遂調高祖云突厥方强 竟不臨戎高祖甚寵愛之諒自以所居天下精兵處以 **頍者梁將王僧辯之子也少倜儻有奇略為諒咨議參** 治器械貯納於并州招傭亡命左右私人殆將數萬王 太原即為重鎮宜修武備高祖從之於是大發工役繕 遇疾疫不利而還十九年突厥犯塞以該為行軍元帥 令十八年起遼東之役以該為行軍元帥率衆至遼水 軍蕭摩訶者陳氏舊將二人俱不得志每鬱鬱思亂並

井陘以西是王掌握之内山東士馬亦為我有宜悉發 據舊齊之地宜任東人諒不能專定乃無用二策唱言 宜長驅深入直據京都所謂疾雷不及掩耳若但欲割 之不赴遂發兵反總管司馬皇甫誕切諫諒怒收繫之 之分遣贏兵屯守要路仍令隨方略地率其精銳直入 曰楊素反將誅之聞喜人總管府兵曹裴文安說該日 王頻說該曰王所部將吏家屬盡在関西若用此等即

為該所親善及蜀王以罪廢該愈不自安會高祖崩徵

費王聃大將軍站站天保侯莫陳惠直指京師未至蒲 津百餘里該忽改圖令統單貴斷河橋守蒲州而召文 定矣諒大悦於是遣所署大將軍余公理出大谷以趣 蒲津文安請為前鋒王以大軍繼後風行電擊頻於霸 脛以略燕趙柱國喬鍾葵出鴈門署文安為柱國統單 疑羣情離戚我即陳兵號令誰敢不從旬日之間事可 河陽大將軍暴良出滏口以趣黎陽大將軍劉建出井 上咸陽以東可指麾而定京師震擾兵不服集上下相 卷四十五 韓州張伯英為澤州煬帝遣楊素率騎五千襲王聃紀 裴文安為晉州薛粹為絳州梁菩薩為潞州章道正為 安文安至白兵機能速本欲出其不意王既不行文安 又退使彼計成大事去矣諒不對以王聃為蒲州刺史

諒欲旋師王頃諫曰楊素懸軍士馬疲弊王以銳卒親

開守高壁楊素擊走之諒大懼拒素於舊澤屬天大雨

單貴於蒲州破之於是率步騎四萬趣太原該使趙子

· 成擊之其勢必舉今見敵而還示人以怯阻戰士之心


隋書

素進兵圍之前躬慶降於素百寒奏諒罪當死帝曰朕 之該勒兵與官軍大戰死者萬八千人該退保并州楊 益西軍之氣願王必勿還也諒不從退守清原素進擊 絕其屬籍竟以幽死子類因而禁錮宇文化及裁逆之 終鮮兄弟情不忍言欲屈法恕該一死於是除名為民 ダで月 ろ まし 老四十五


骨肉之親篤以君臣之義經綸締構契闊夷險撫軍監


史臣曰高祖之子五人莫有終其天命異哉房陵資於

室將亡之效衆庶皆知之矣慎子有言曰一免走街百 間之顧復之慈頓隔於人理父子之道遂滅於天性隋 國凡二十年雖三善未稱而視膳無關恩寵既變讒言 陵分定久矣髙祖一朝易之開逆亂之源長與親之望! 人逐之積度於市過者不顧豈其無欲哉分定故也房 人已勝尺布斗栗莫肯相容秀窺岷蜀之阻諒起晉陽 制退之不以道後以憂卒實此之由俄屬天步方艱讒 又維城肇建崇其威重恃寵而驕厚自封殖進之既踰



因加媒蘖〇監本蘗作葉按史記司馬遷報任安書隨 房陵王勇傳孽子忿静〇按正韻静亦音争訟也後漢 黎諍注叶平聲 隋書卷四十五考證 而媒蜂其短師古注孽如麹蘗之蘖 劉聖公傅衆理諍訟晉書王沈釋時論闊茸勇敢於 隋書





攻信陵秭歸獎勒所部五百人出其不意襲擊破之二 即関帝受禪遷陝州刺史蠻首向天王聚衆作亂以兵 **煚於是帥所領與齊人前後五戰斬郡守鎮將縣令五** 尋從破洛陽及太祖班師獎請留撫納亡叛太祖從之 及長深沉有器局略涉書史周太祖引為相府參軍事 人處獲甚衆以功封平定縣男邑三百户界轉中書侍 不拜自述孤苦涕四交集惠達為之陨涕歎息者久之

定四庫全書

卷四十六

郡獲全時周人於江南岸置安蜀城以樂陳屬霖雨數

安蜀議者皆勸贬益修守禦獎曰不然吾自有以安之 授開府儀同三司遷荆州總管長史入為民部中大夫 南鄉父母妻子南鄉聞之其黨各散陳兵遂退明年吴 陳神將覃冏王足子吳朗等三人斬首百六十級以功 乃遣使説誘江外生蠻向武陽令乘虚掩襲所居獲其 旬城類者百餘少蠻舊鄭南鄉叛引陳將吴明徹欲極 明徹屢為寇患煛勒兵禦之前後十六戰每挫其鋒獲

武帝出兵軍洛欲收齊河南之地爽諫曰河南洛陽四

穴可一舉以定帝不納師竟無功尋從上柱國于異率 不見錄除益州總管長史未幾入為天官司會累遷御 泉數萬自三鴉道以伐陳克陳十九城而還以讒毀功 面受敵縱得之不可以守請從河北直指太原傾其巢 正上大夫獎與宗伯斛斯徵素不協徵後出為齊州刺

史坐事下獄自知罪重遂瑜獄而走帝大怒購之甚急

**煛上密奏日徵自以負罪深重懼死通逃若不北寬匈** 

奴則南投吴越後雖愚陋久歷清顯奔彼敵國無益聖

其州刺史甚有威德與當有疾百姓奔馳争為祈禱其 邑二千五百户拜相州刺史朝廷以獎曉習故事徵拜 朝今者炎旱為災可因兹大赦帝從之徵賴而獲免煚 尚書右僕射視事未幾以忤古尋出為陝州刺史俄轉 大宗伯及踐作哭授璽級進位大將軍賜爵金城郡公 卒不言髙祖為丞相加上開府復拜天官都司會俄遷 得民情如此冀州俗薄市井多姦詐哭為銅斗鐵尺置

之於肆百姓便之上聞而嘉馬頒告天下以為常法當

隋書

**燛來朝上勞之曰冀州大潘民用殷實卿之為政深副** 盗者愧忍過於重刑其以德化民皆此類也上幸洛陽 趙芬字士茂天水西人也父演周秦州刺史芬少有辯 朕懷開皇九年卒時年六十八子義臣嗣官至太子洗 馬後同楊諒反誅 有人盗災田中萬者為吏所執災曰此乃刺史不能宣 化彼何罪也慰諭而遣之令人載萬一車以賜盗者 趙芬

定四庫全書 一

見四十六

宰宇文護召為中外府緣俄遷吏部下大夫芬性殭濟 熊州刺史撫納降附得二十户如開府儀同三司大家| 史轉東京小宗伯鎮洛陽高祖為丞相尉迥與司馬消 少御正芬明習故事每朝廷有所疑議眾不能决者於 引為行軍長史封淮安縣男邑五百户復出為淅州剌 輕為評斷莫不稱善後為司會中國公李穆之討齊也 W A.J D Ind Zi dato I 居之職皆有聲續武帝親總萬機拜內史下大夫轉 隋書

智頗沙經史周太祖引為相府鎧曹參軍歷記室界漂

漕賜錢百萬栗五千石而遣之後數年上表乞骸骨徵 官至揚州總管司馬左遷候衛長史少子元楷與元恪 巾帔後數年卒上遣使致祭鴻臚監護喪事子元恪嗣 還京師賜以二馬軺車几杖被褥歸于家皇太子又致 以老病出拜蒲州刺史加金紫光禄大夫仍領關東運 郢國公王誼修律令俄兼內史令上甚信任之未幾 陰謀往來芬察知之密白高祖由是深見親委遷東 左僕射進爵郡公開皇初罷東京官拜尚書左僕射

四月台刊

太祖嘗親臨釋奠尚希時年十八令講孝經詞旨可觀 盧辯見而異之令入太學專精不倦同輩皆共推伏問 楊尚希弘農人也祖真魏天水太守父承賓商直浙三 拜江都郡丞兼領江都宫使 仲宗俱竭百姓之産以貢于帝仲宗遷南郡丞元楷超 刺史尚希酩齔而孤年十一解母請受業長安派郡 楊尚希

ALL O LEEL AL ALLO IN

隋書

皆明幹世事元楷大業中為歷陽郡丞與廬江郡丞 徐

路追之不及逐歸京師高祖以尚希宗室之望又背迥 於難遂夜中從提徑而通運明迥方覺令數十騎自驛 而至待之甚厚及迥也兵武陟遣尚希督宗室兵三千 至相州而帝崩與相州総管尉迎發喪於館尚希出謂 縣侯東京司憲中大夫宣帝時令尚希撫慰山東河北 左右曰蜀公哭不哀而視不安將有他計吾不去將及 明武世歷太學博士太子宫尹計部中大夫賜爵馬都 太祖奇之賜姓普六站氏權為國子博士累轉舍人仕

或地無百里數縣並置或戶不淌干二即分領具察以 一衆資费日多更卒又倍租調歲減清幹良才百分無 大夫尚希時見天下州郡過多上表曰自秦弁天下罷 爵為公歲餘出為河南道行臺兵部尚書加銀青光禄 侯置守漢魏及晉邦邑屢改竊見當今郡縣倍多於古 須數萬如何可覔所謂民少官多十年九牧琴有更

張之義瑟無膠柱之理今存要去開併小為大國家則

200年4年

隋書

人鎮潼關尋授司會中大夫高祖受禪拜度支尚書進

時每旦臨朝日是不倦尚希諫曰周文王以憂勤损毒 尚希性弘厚兼以學業自通甚有雅望為朝廷所重上 武王以安樂延年願陛下舉大綱責成宰輔繁碎之務 上謂之曰蒲州出美酒足堪養病屈公臥治之於是出 非人主所宜親也上惟然曰公愛我者尚希素有足疾 而嘉之於是遂罷天下諸郡尋拜瀛州刺史未之官奉 不虧栗吊選舉則易得賢才敢陳管見伏聽裁處帝覽 延省淮南還除兵部尚書俄轉禮部尚書授上儀同

卷四十六

卒官時年五十七諡曰平子旻嗣後改封丹水縣公官 長孫平字處均河南洛陽人也父儉周柱國平美容儀 文護謀與衛王誅之王前後常使平往來通意於帝及 有器幹頗覽書記仕周釋褐衛王侍讀時武帝逼於宇 至安定縣丞 ,蒲州剌史仍領本州宗團驃騎治希在州甚有惠政 引漢水立段防開稻田數千項民賴其利開皇十年 長孫平

隋書

于京師 懷二心遣平馳驛往代之弼果不從平塵壮士執弼送 富差等儲之間巷以備凶年名曰義倉因上書曰臣聞 水旱百姓不給奏令民間每秋家出栗麥一石已下食 兵內侮高祖深以淮南為意時賀若獨鎮壽陽恐其 伏誅拜開府樂部大夫宣帝即位置東宫官屬以平 好款治及為丞相恩禮彌厚尉迥王謙司馬消難並 小司寇與小宗伯趙芬分掌六府高祖龍潛時與平 定匹庫全書 開皇三年後拜度支尚書平見天下州縣多雅

災而民無來色皆由勸導有方蓄積先備者也去年亢 請勒諸州刺史縣令以勸農積穀為務上深嘉納自是 普加販賜大德鴻恩可謂至矣然經國之道義資遠算 陽關右機餒陛下運山東之栗置常平之官開發倉原 國以民為本民以食為命勸農重穀先王令軌古者三 有人告大都督邴紹非毀朝廷為情情者上怒將斬之 州里豐行民多賴馬後數載轉工部尚書名為稱職時 耕而餘一年之積九年作而有三年之儲雖水旱為

大三日 五 在 在 日

隋書

之言不應聞奏陛下又復誅之臣恐百代之後有虧聖 大臣不勝至願願陛下弘山海之量茂宽裕之德鄙諺 平進諫白川澤納汙所以成其深山岳藏疾所以就其 節宣諭令其和解賜練三百匹良馬一匹而遣之平至 突厥所為陳利害遂各解兵可汗贈平馬二百匹及還 曰不癡不聾未堪作大家翁此言雖小可以喻大邴紹 厥達頭可汗與都藍可汗相攻各遣使請援上使平持 上於是赦給因動庫臣誹謗之罪勿復以聞其後突

負荷遣使吊平國官師孝後為渤海郡主簿屬大業之 中卒諡曰康子師孝性輕狡好利數犯法上以其不克 姓大戲畫衣裳為鍪甲之象上怒而免之俄而念平鎮 事歲餘除汴州刺史其後歷許貝二州俱有善政郭都 淮南時事進位大將軍拜太常卿判吏部尚書事仁壽 俗薄舊號難治前後刺史多不稱職朝廷以平所在善 平進所得馬上盡以賜之未幾遇譴以尚書檢校汴州 轉相州刺史甚有能名在州數年會正月十五日百

隋書

害 元暉字叔平河南洛陽人也祖琛魏恒朔二州刺史父 季政教陵運師孝恣行貪獨一郡苦之後為王世克所 敏定四庫全書 人 元暉 卷四十六

武伯下大夫于時突厥屢為寇惠朝廷將結和親令暉

每同席共砚情契甚厚弱冠名補相府中兵祭軍尋遷

記少得美名於京下周太祖見而禮之命與諸子遊處

翌尚書左僕射暉鬚眉如畫進止可觀頗好學涉獵書

請決杜陽水灌三時原溉寫鹵之地數干項民賴其利 定初大家宰宇文護引為長史會齊人來結盟好以 關東使暉安集河北封義寧子邑四百户高祖總百揆 之娉突厥后也令暉致禮馬加開府轉司憲大夫及平 多才辯與千乘公崔睦俱使于齊遷振威中大夫武帝 悦遣其名王隨獻方物俄拜儀同三司實部下大夫保 加上開府進爵為公開皇初拜都官尚書兼領太僕奏 隋書

齎錦絲十萬使于突厥暉說以利害申國厚禮可汗上

幸師字公額京兆杜陵人也父項周驃騎大將軍師少 數年以疾去職歲餘卒于京師時年六十上嗟悼久之 仁器性明敏官至日南郡丞 渠之役未幾坐事免頃之拜魏州刺史頗有惠政在任 沉謹有至性初就學始讀孝經拾書而數曰名教之 明年轉左武候將軍太僕卿如故尋轉兵部尚書監漕 鴻臚監護喪事諡曰元子肅嗣官至光禄少知肅弟 韋 師

定四庫全書 |

卷四十二

總萬機轉少府大夫及平高氏品師安無山東徒為實 狄朝貢師必接對論其國俗如視諸掌夷人驚服無敢 室轉實曹泰軍師雅知諸蕃風俗及山川險易其有夷 其在兹乎少丁父母憂居喪盡禮州里稱其孝行及長 部大夫高祖受禪拜吏部侍郎賜爵井脛侯邑五百户 隱情齊王憲為雍州牧引為主簿本官如故及武帝親 略沙經史尤工騎射周大冢宰宇文護引為中外府記

數年遷河北道行堂兵部尚書語為山東河南十八州

安撫大使奏事稱古賜錢三百萬兼領晋王廣司馬其 都督引師為主簿而世康弟世約為法曹從事世康志 族人世康為吏部尚書與師素懷勝負于時晉王為雍 平陳之役以本官領元即掾陳國府藏悉委於師秋毫 恨不能食又恥世約在師之下召世約數之曰汝何故 收威存第望以司空楊雄尚書左僕射高頻並為州 上柱國韓擒等於以内賜宴令各般舊事以為笑樂 從事遂杖之後從上幸體泉官上名師與左僕射高

定四庫全書

卷四十六

給事郎 楊异字文殊弘農華陰人也祖鈞魏司空父儉侍中异 無所犯稱為清白後上為長寧王儼納其女為妃除汴 刺史甚有治名卒官益曰定子德政嗣大業中仕至 楊异

美風儀沉深有器局髻戲就學日誦千言見者奇之九

歲丁父憂哀毀過禮殆將滅性及免喪之後絕慶吊閉

户讀書數年之間博涉書記周関帝時為寧都太守甚

有門

年六十二子虔遜 异每歲一與王相見評論得失規諷疑闕數載卒官時 **基兵部尚書數載復為宗正少卿未幾擢拜刑部尚書** 錢二十萬練三百匹馬五十匹而遣之尋遷西南道行 欽 行濟州事及踐阼拜宗正少卿加上開府蜀王秀之鎮 餘出除吴州總管甚有能名時晉王廣鎮揚州部令 州也朝廷威選綱紀以异方直拜益州總管長史賜 能名賜爵昌樂縣子後數以軍功進為侯高祖作相 定四庫全書 /

器幹美容儀周初為中侍上士後拜都督聘于齊以奉 蘇孝慈扶風人也父武周周兖州刺史孝慈少沉謹有 蘇孝慈兄子沙羅

伊始徵天下工匠纖微之巧無不畢集孝慈總其事世

尋改封臨水縣公增邑千二百戸累遷工部上大夫高

祖受禪進爵安平郡公拜太府卿于時王業初基百度

武帝伐齊以功進位開府賜爵文安縣公邑千五百户

稱肯遷大都督其年又聘于齊還授宣納上士後從

先是以百家供費不足臺省府寺咸置解錢収息取給 尚書稱為幹理數載進位大將軍轉工部尚書率如故 善之又領太子右庶子轉授左衛率仍判工部民部二 苦之於是決渭水為渠以屬河令孝慈督其役渠成上 置常平倉轉輸京下以渭水多沙流乍深乍沒漕運者 於是拜孝慈為太子右衛率尚書如故明年上於陕州 太子勇颇知時政上欲重官官之望多令大臣領其職 以為能俄遷大司農歲餘拜兵部尚書待遇腳密時皇 欽定四庫全書

子憚其在東宫出為淅州刺史太子以孝慈去甚不平 形於言色其見重如此仁壽初遷洪州總管俱有惠政 以下給職田各有差上並嘉納馬開皇十八年將廢太

孝慈以為官民争利非與化之道上表請罷之請公卿

校開府儀同三司封通泰縣公開皇初蜀王秀鎮益州

其年卒官有子會昌孝慈兄子沙羅字子粹父順周眉

刺史沙羅仕周釋褐都督後從章孝寬破尉迥以功

其後桂林山越相聚為亂詔孝慈為行軍總管擊平之

金川二鎮沙羅率兵擊破之授邛州刺史後數載檢校 沙羅以本官從拜資州刺史八年冉尨羌作亂攻汶山 欽定四庫全書 人 吏案奏沙羅云王奉為奴所殺秀廼詐稱左右斬之又 作亂沙羅從段文振討平之賜奴婢百口會蜀王秀廢 調熟除今出奴婢沙羅隐而不奏由是除名卒於家有 物千段尋檢校益州總管長史會越舊人王奉舉兵 州總管事從史萬歲擊西聚累戰有功進位大將軍

李雄

志家世並以學業自通雄獨習騎射其兄子旦讓之曰 仕文武不備而能濟其功業者鮮矣雄雖不敏頗觀前 棄文尚武非士大夫之素業难答曰竊覽自古誠臣貴 齊陝州刺史陷于周雄因隨軍入長安雄少慷慨有大 李雄字毗盧趙郡高邑人也祖榼魏太中大夫父嬴伯

胡島

志但不守章句耳既文且武兄何病焉子旦無以應之

尋出為凉州總管長史從膝王追破吐谷渾於青海以 受禪進爵為公遷小賓部其後復從達奚武與齊人戰 於突厥進爵異伯拜俠州刺史數歲徵為本府中大夫 於芒山諸軍大敗雄所領獨全武帝時從陳王純迎后 百揆徵為司會中大夫以淮南之功加位上開府及受 欽 輕騎數百至俠口說下十餘城拜豪州刺史高祖總 定四庫全書 | 加上儀同宣帝嗣位從軍總管章孝寬略定准南雄 汾州叛胡録前後功拜驃騎大將軍儀同三司閔帝

廣出鎮并州以雄為河北行墨兵部尚書上謂雄曰吾 色王甚敬憚吏民稱馬歲餘卒官子公挺 顧之憂矣难頓首而言曰陛下不以臣之不肯寄臣 流涕上慰諭而遣之雄當官正直侃然有不可犯之 既少更事未多以如兼文武才今推誠相委吾無北 任臣雖愚固心非木石謹當竭誠效命以答鴻恩獻 汽红 馬世基 t.

拜鴻臚即進爵高都郡公食邑二千户後數年晉王

為蕩難將軍從武帝入關累遷銀青光禄大夫周太祖 書徵之曰朕初臨四海思存政術舊齒名賢實懷勤行 時所重後以年老致仕于家及高祖受禪欽其德望以 州刺史儀同三司賜爵虞鄉縣公復入為司成中大夫 引為從事中郎賜姓叱羅氏歷司職大夫雍州治中雍 張煚字士鴻河間鄭人也父美少好學多所通沙仕魏 儀同昔在周室德業有聞雖云致仕猶克壯年即宜入 典國史周代公卿類多武將唯美以素業自通甚為當 定四庫全書

爵北平縣子邑四百户宣帝時加儀同進爵為伯高祖 為丞相燛深自推結高祖以其有幹用甚親遇之及受 関帝受禪加前將軍明武世歷膳部大夫冢宰司録賜 之同坐宴語久之賜以几杖會遷都龍首美上表勸以 曰定撰老子莊子義名曰道言五十二篇獎好學有父 **儉約上優站答之俄而卒時年八十四贈滄州刺史諡** 在魏釋褐奉朝請遷員外侍郎周太祖引為外兵曹 用副虚想及謁見勅令勿拜扶升殿上降榻執手與

隋書

青光禄大夫哭性和厚有識度甚有當時之譽後拜真 丞丁父憂去職柴毀骨立未春起令視事固讓不許授 禪拜尚書右丞進爵為侯俄遷太府少卿領營新都監 及晉王為皇太子復為冀州刺史進位上開府吏民悅 儀同三司襲爵虞鄉縣公增邑通前千五百户尋遷太 稱為良二千石仁毒四年卒官時年七十四子慧寶 刺史晉王廣頻表請之復為晉王長史檢校將州事 仰拜民部尚書晉王廣為揚州總管授獎司馬加銀


定四庫全書 /

官至絳郡丞開皇時有劉仁思者不知何許人也倜儻 史臣曰二趙明習故事當世所推及居端右無聞殊績 書代人庫狄茲性弘厚有局度官至民部尚書此四人 部尚書又以行軍總管從楊素伐陳與素破陳将吕仲 有文武幹用初為毛州刺史治績號天下第一提拜 於荆門仁恩之計居多授上大將軍甚有當時之譽 顯名於當世然事行關落史莫能詳 郭均上黨為世基並明悟有幹累相繼為兵部尚

K

AT O MET AS ALSO IN

隋書



卷四十六

趙 芬傳復出為淅州刺史○閣本淅為浙按本書地 隋書卷四十六考證 理

志

豫部有淅陽郡注西魏置淅州大業初置淅陽

郡


無淅州之名


孫平傳遣使用平國官〇按北史無國官二字 尚

師傳于時晉王為雍州牧威存第望以司空楊雄

钦定四事至書一 書左 臣映斗 (僕射高類正為州都督〇監本存作有宋本 按威存第望問晉王存注于門第望族 隋書

作





直寢封漢安縣公尚周文帝女襄樂公主授儀同三司 司州總管長史于時東夏初定百姓未安世康綏撫 任周自典祠下大夫歷沔硖二州刺史從武帝平齊

是周齊分界因此亂階恐生搖動今以委公善為吾守 會中大夫尉迎之作亂也高祖憂之謂世康曰汾絳舊 之士民胥悅歲餘入為民部中大夫進位上開府轉司

古不以得丧干懷在州當慨然有止足之志與弟子書

因授絳州刺史以雅望鎮之闔境清肅世康性恬素好

山之悲倍深常戀意欲上聞乞遵養禮未訪汝等故遣 春秋巴高温青宜奉晨昏有關罪在我躬今世穆世文 霜早梧楸風先蒲柳眼間更劇不見細書足疾彌增非 並從戎役吾與世沖復嬰遠任陟咕瞻望此情彌切桓 曰吾生因緒餘夙霑纓弁驅馳不巳四紀於兹亟登衮 可超走禄豈須多防滿則退年不待暮有疾便辭況嬢 而莫潤如斯之事頗為時悉今耄雖未及壯年已謝 頻治方岳志除三惑心慎四知以不貪而為實處膏

隋書

職未养起令視事世康固請乞終私制上不許世康之 嗜欲不慕貴勢未當以位望矜物聞人之善若已有之 此及興言遠慕感咽難勝諸弟報以事恐難遂於是乃 方鎮拜襄州刺史坐事免未幾投安州總管尋遷為信 在吏部選用平允請托不行開皇七年將事江南議重 亦不顯人過咎以求名譽尋進爵上庸郡公加邑至二 千五百户其年轉吏部尚書餘官如故四年丁母憂去 止在任數年有惠政奏課連最握為禮部尚書世康家

四庫全書

子福嗣答曰大人澡身浴德名立官成盈湍之誠先哲 身退古人常道今年將耳順志在懸車汝輩以為云何 先朝露無以塞責願乞骸骨退避賢能上曰朕風夜無 所進拔朝廷稱為庶平當因休暇謂子弟曰吾聞功遂 幾求賢若渴冀與公共治天下以致太平今之所請深 日臣無尺寸之功位亞台位今大馬齒载不益明時恐 所重欲追蹤二陳伏奉尊命後因侍宴世康再拜陳讓 隋書

州總管十三年入朝復拜吏部尚書前後十餘年間多

乖本堂縱令筋骨衰謝猶屈公則治一隅於是出拜荆 惜之贈賻甚厚贈大將軍諡曰文世康性孝友初以諸 愛悦合境無訟十七年卒于州時年六十七上聞而痛 統唯荆州委於世康時論以為美世康為政簡静百姓 州總管時天下唯置四大總管并揚益三州並親王臨 弟位並隆貴獨季弟世約官途不達共推父時田宅盡 仕至内史舍人後以罪點楊玄感之作亂也以兵逼東 以與之世多其義長子福子官至司隸別駕次子福嗣 卷四

封襄陽郡公邑二十户時突厥冠邊皇太子屯咸陽令 洗字世穆性剛毅有器幹少便弓馬仕周釋褐·豪上 辭甚不遜尋背玄感還東都帝街之不已車裂於髙陽 都福嗣從衛玄戰於城北軍敗為玄感所擒令作文檄 洗統兵出原州道與虜相遇擊破之尋拜江陵總管木 祖為丞相從季父孝寬擊尉迥於相州以功拜柱國進 少子福獎通事舍人在東都與玄感戰沒 數從征伐累遷開府賜爵衛國縣公邑十二百户高

幾以母疾徵還俄拜安州總管伐陳之役領行軍總管 **昂昂與世基合擊大破之擒發於陣高深女子洗氏率** 相繼而進既至城下避偽降其夜率所部二千人襲擊 重率將戎旅撫慰彼方風行電婦咸應稽服若使干文 衆迎洗逐進圖有南上遺光書曰公鴻勲大業名高望 守徐璒據郡持兩端光遣開府日昂長史馬世基以兵 及陳平拜江州總管率步騎二萬略定九江陳豫章太 不用兆底獲安方副朕懷是公之力至廣州說陳渝州

定四庫全書

都督王猛下之嶺表皆定上聞而大悦許以便宜從事 國賜綿絹萬段諡曰敬子協嗣協字欽仁好學有雅量 聚衆為亂以兵圍洗洗勒兵拒之中流矢而卒贈上柱 光所終集二十四州拜廣州總管歲餘番禺夷王仲宣 藝字世文少受業國子周武帝時數以軍功致位上儀 起家著作佐郎後轉秘書郎開皇中其父在廣州有功 拜協柱國後歷定息泰三州刺史皆有能名卒官 上令協齊語書勞問未至而父卒上以其父身死王事 隋書

賜爵修武縣侯邑八百戸授左旅下大夫出為魏郡

**反匹庫全書** 

太守及高祖為丞相尉迎陰圖不軌朝廷微知之遣藝 求藥以察其變回遣藝迎孝寬孝寬問迥所為藝黨於 季父孝寬馳往代迎孝寬將至鄰因詐病止傳舍從迎

是將藝西通每至亭驛輛盡驅傳馬而去復謂驛司曰 迎不以實答孝寬怒將斬之藝懼乃言迥反狀孝寬於

逢威饌又無馬遂進留不進孝寬與藝由是得免高祖

蜀公將至宜速具酒食迎尋遣騎追孝寬追人至驛輒

數年遷營州總管藝容貌環偉每夷狄参謁必整儀衛 以孝寬故弗問藝之罪加授上開府即從孝寬擊迥及 年卒官時年五十八諡曰懷 產業與北夷貿易家資鉅萬頗為清論所幾開皇十五 魏與郡公歲餘拜齊州刺史為政清簡士庶懷惠在職 縣公邑千户以修武縣侯别封一子高祖受禪進封 尉惇平相州皆有力馬以功進位上大將軍改封武 服以見之獨坐潘一榻番人畏懼莫敢仰視而大治

長城在塗皆亡上呼沖問計沖曰夷秋之性易為反覆 等五十人及元定之柩而還沖有辭辯奉使稱古累遷 位開府賜爵安固縣侯歳餘發南汾州胡千餘人北築 安集之因拜汾州刺史高祖践作徵為兼散騎常侍進 少御伯下大夫加上儀同于時稽胡屢為寇亂沖自請 從大將軍元定渡江伐陳為陳人所屬周武帝以幣贖 沖字世沖少以名家子在周釋褐衛公府禮曹參軍後 飲定四庫全書 人 而還之帝復令沖以馬千匹使於陳以贖開府質拔華

書勞勉之尋拜石州刺史甚得諸胡歡心以母憂去職 皆由牧宰不稱之所致也臣請以理綏静可不勞兵而 賊朕甚愍之已命戎徒清撫邊服以開府器幹堪濟識 俄而起為南寧州總管持節撫慰復遣柱國王長述以 定上然之因命沖綏懷叛者月餘皆至並赴長城上下 略英遠軍旅事重故以相任知在艱疚日月未多金革 兵繼進沖上表固讓詔曰西南夷裔屢有生梗每相殘

奪情盖有通式宜自抑割即膺往古沖既至南寧渠即

聚震及西聚首領甘苗府參謁上大悦下站褒揚之其 兄子伯仁隨沖在府掠人之妻士卒縱暴邊人失望上 定四庫全書

開而大怒令蜀王秀治其事益州長史元嚴性方正案 太子上謂太子曰古人有沽酒酸而不售者為噬犬耳 無所寬貸沖竟坐免其弟太子洗馬世約替嚴於皇

今何用世約乎適累汝也世約遂除名後數載令沖檢

衆為亂攻圍婺州永康烏程諸縣沖率兵擊破之改封

義豐縣侯檢校泉州事尋拜營州總管沖容貌都雅克 毒字世齡父孝寬周上柱國即國公毒在周以貴公子 章王康納沖女為妃後拜民部尚書未幾卒時年六十 貢相續高麗當入寇沖率兵擊破之仁毒中高祖為豫 六少子挺最知名 早有令譽為右侍上士遷千牛備身趙王為雍州投引 厚得眾心懷撫靺鞨契丹皆能致其死力奚雪畏懼朝

一次足可事公書

隋書

為主簿尋遷少御伯武帝親征髙氏拜京兆尹委以後

其父平尉迥拜壽儀同三司追封滑國公邑五千戸俄 事以父軍功賜爵永安縣侯邑八百户髙祖為丞相以 以父丧去職髙祖受禪起令視事尋遷恒毛二州刺史

卷四十七

嗣壽弟霽位至太常少卿安邑縣伯津位至内史侍郎 頗有治名開皇十年以疾徵還卒于家時年四十二論 日定仁毒中髙祖為晉王廣納其女為妃以其子保戀

周致位上開府光州刺史髙祖為丞相以平尉迥功進

判民部尚書事世康從父弟操字元節剛簡有風縣仕

室及帝嗣位自宣納上士累遷少納言太子宫尹封平 容有器局頗汝經史年十九周武帝時為魯公引為記 位柱國封平桑郡公歷青荆二州總管卒官諡曰静 正上大夫機見帝失德屢諫不聽恐禍及已託於鄭譯 齊縣公從帝平齊拜開府轉司宗中大夫宣帝時遷御 柳機字匡時河東解人也父慶魏尚書左僕射機偉 除求出外於是拜華州刺史及高祖作相後還京師時 柳幾子述 養之 機弟旦 族兄吊 隋書 從弟难亮

轉其州刺史後徵入朝以其子述尚蘭陵公主禮遇益 言機性寬簡有雅望然當近侍無所損益又好飲酒不 周代舊臣皆勸禪讓機獨義形於色無所陳請俄拜衛 刺史及踐作進爵建安郡公邑二千四百户徵為納 俱推孤楊獨聳坐皆歡笑機竟無言未幾還州前後 細務在職數年復出為華州刺史奉詔每月朝見尋 初機在周與族人文城公即俱歷顯要及此機即並 一職楊素時為納言方用事因上賜宴素戲機曰二

作牧俱稱寬惠後數年以疾徵還京師卒於家時年五 十六贈大將軍青州刺史諡曰簡子述嗣

於諸壻中特所寵敬歲餘判兵部尚書事丁父親去職 子親衛後以尚主之故拜開府儀同三司內史侍郎上 柳述字業隆性明敏有幹略頗沙文藝少以父蔭為太

吏部尚書事述雖職務修理為當時所稱然不達大體

暴於取下又怙寵縣豪無所降屈楊素時稱貴倖朝臣

隋書

未幾起攝給事黃門侍郎事襲爵建安郡公仁壽中判

莫不藝憚述每陵侮之數於上前面折素短判事有不 禮於陳貴人上知而大怒因令述名房陵王述與元嚴 寄瑜重拜兵部尚書參掌機密述自以無功可紀過叨 疾述與楊素黄門侍郎元嚴等侍疾宫中時皇太子無 不肯素由是街之俄而楊素亦被疎忘不知省務述任 合素意素或令述改之報謂將命者曰語僕射道尚書 쉷 服抗表陳讓上許之令攝兵部尚書上於仁壽官寢 定匹庫全書 / 卷四十

出外作動書楊素聞之與皇太子協謀便矯記執述嚴

旦字匡徳工騎射頗涉書籍起家周左侍上士累遷兵 述在龍川數年復徒寧越遇瘴癘而死時年三十九 名大業初拜龍川太守民居山洞好相攻擊旦為開設 新城縣男運授掌設縣騎歷羅浙魯三州刺史並有能 梁睿討平之以功授儀同三司開皇元年加授開府封 徙述于龍川郡公主請與述同徙帝不聽事見列女傅 二人持以屬吏及場帝嗣位述竟坐除名與公主離絕 下大夫項之益州總管王誠起逆拜為行軍長史從

大型日野山西

隋書

學校大變其風帝聞而善之下故褒美四年徵為太常 柳攝判黃門侍郎事卒官年六十一子變官至河内

肅字匡仁少聰敏嫻於占對起家周齊王文學武帝見

而異之名拜宣納上士高祖作相引為實曹參軍開皇

初授太子洗馬陳使謝泉來聘以才學見稱詔肅宴接

時論稱其華辯轉太子內舍人還太子僕太子廢坐除

名為民大業中帝與段達語及庶人罪惡之狀達云柳

當儲貳誠在不孝無患見疑劉臻書生鼓摇唇舌適足 肅在宫大見疎斥帝問其故答曰學士劉臻當進章仇 大翼於宫中為巫靈事肅知而諫曰殿下帝之冢子位 任每行幸遼東常委之於派郡留守十一年卒時年 横除名非其罪也名守禮部侍郎轉工部侍即大見 漏洩使抑肅知之令面折我自是後言皆不用帝曰 相能誤願殿下勿納之庶人不懌他日謂臻曰汝何 隋書

會高祖受禪拜尚書考功侍郎尋遷給事黃門侍郎尚 書省凡有奏事雄亮多所駁正深為公鄉所憚俄以本 管記室選湖城令累遷內史中大夫賜爵汝陽縣子司 亮手斬東齊于城中請罪闕下帝特原之尋治梁州總 華陽檢為賊所害难。時年十四哀毀過禮陰有復讐 馬消難作亂江北髙祖令雄亮聘于陳以結鄰好及還 之志武帝時衆實率其所部歸於長安帝待之甚厚雄 雄亮字信誠父檜仕周華陽太守遇黃衆齊作亂攻陷

定匹庫全書 一

卷四十七

寒之字公正父蔡年周順州刺史賽之身長七尺五寸 為秦州總管府司馬領山南道行臺左丞卒官時年五 官檢校太子左庶子進爵為伯秦王俊之鎮隴右也出 一有子賛

遇寒之於塗異而與語大奇之因奏入國子以明經雅 儀容甚偉風神爽亮進止可觀為兒童時周齊王憲當

第拜宗師中士尋轉守廟下士武帝當有事大廟蹇之

讀祝文音韻清雅觀者屬目帝善之權為宣納上士及

之有雅望善談謔又飲酒至石不亂由是每深陳使至 高祖作相引為田曹參軍仍諮典籤事開皇初拜通事 和親復令寒之送義成公主於突厥寒之前後奉使得 兼散騎常侍送公主於西域俄而突厥各明可汗求結 奏會吐谷渾來降朝廷以宗女光化公主妻之以寒之 輒令蹇之接對後遷光禄少卿出入十餘年每冬掌殼 舍人尋選內史舍人歷兵部司熟二曹侍郎朝廷以卷 二國所贈馬千餘匹雜物稱是皆散之宗族家無餘財

定匹庫全建 |

立於西朝堂之前北面遣吏部尚書牛弘内史令楊約 駕還京師拜為齊王長史帝法服臨軒備儀衛令齊王 野注望皆以齊王當立帝方重王府之選大業三年車 出塞及還奏事稱古拜黃門侍郎時元德太子初薨朝 左衛大將軍宇文述等從殿廷引塞之指齊王所西面 隋書

歲以母憂去職煬帝踐作復拜光禄少鄉大業初啓民

仁毒中出為肅州刺史尋轉息州刺史俱有惠政後一

可汗自以内附遂畜牧於定襄馬邑間帝使蹇之諭令

立牛弘宣初謂齊王曰我昔階緣思寵好封晉陽出藩 名行如不用此言唯國及身敗無日矣吾受物之後奉 之初時年十二先帝立我於西朝堂乃令高頻虞慶則 從事一如子相也又物寒之曰今以鄉作輔於齊善思 以周旋不敢失墜微子相之力吾無今日矣若與蹇之 昵近小人疎遠子相若從我言者有益於社稷成立汝 更世事今今子相作輔於汝事無大小皆可委之無得 元旻等從内送王子相於我于時誠我曰以汝幼沖末 定匹庫全書 一 清顯開皇初為太子太保昻有氣識幹局過人周武帝 昂字千里父報有高名好禮篤學治家如官仕周歷職 六十子威明 得罪寒之竟坐除名帝幸遼東召寒之檢校燕郡事及 令則之徒深見昵狎蹇之雖知其罪失不能匡正及王 班師至燕郡坐供頓不給配戍嶺南卒於涯口時年 門若有不善罪亦相及時齊王正擅寵左右放縱喬

隋書

1

匡救之理副朕所望若齊王徳業脩備富貴自當鍾

帝王受命建學制禮故能移既往之風成惟新之俗自 遂得偏風不能視事高祖受禪昂疾愈加上開府拜路 時為大內史賜爵文城郡公致位開府當塗用事百家 魏道將謝分割九區關右山東久為戰國各逞權詐俱 皆出其下宣帝嗣位稍被疎遠然不離本職及高祖為 刺史昂見天下無事可以勸學行禮因上表曰臣聞 相深自結納髙祖大悦之以為大宗伯昂受拜之日

定四庫全書

老四十七

一狗干戈賦役繁重刑政嚴急盖救焚拯紛無暇從容非

運往者周室顏毀區宇沸騰聖策風行神謀電發端坐 宕忘反自非天然上哲挺生於時則儒雅之道經禮之 故以三百三千事高前代然下土黎獻尚未盡行臣談 廊廟荡滌萬方俯順幽明君臨四海擇萬古之典無善 不為改百王之獎無惡不盡至若因情緣義為其節文 惟陛下禀靈上帝受命昊天合三陽之期膺千祀之 太冠民庶莫肯用心世事所以未清軌物由兹而壞

隋書

大

朝野之願以至於此晚世因循遂成希慕俗化澆椒流

蒙獎策從政藩部人底軌儀實見多關儒風以墜禮教 禮勘學道教相催必當靡然向風不遠而就家知禮節 **周齊抗衡分四海之民鬬二邦之力遞為强弱多歷年** 識義方比屋可封輒謂非遠上覽而善之因下詔曰 國重道莫先於學尊主庇民莫先於禮自魏氏不競 **微是知百姓之心未能頻變仰惟深思遠慮情念下** 務權詐而薄儒雅重干戈而輕姐豆民不見德唯争 漸被以儉使至於道臣恐業淹事緩動延年世若行 定匹庫全書 卷四

是聞朝野以機巧為師文吏用深刻為法風澆俗散 之然也雖復建立库序兼各實塾業非時貴道亦不行 持名教獎飾暴倫殺相弘益賴斯而已王者承天休咎 其間服膺儒術盖有之矣彼衆我寡未能移俗然其 他禮不可朕受命於天財成萬物去華夷之亂求風化 化有禮則祥瑞必降無禮則妖孽與起人禀五常性 有禮則陰陽合德無禮則禽獸其心治國立身


之宜戒奢崇儉率先百辟輕徭薄賦冀以寬弘而積習


1. O 101 do de 10 1


隋書

慕大道人希至德豈止知禮節識魚恥父慈子孝兄恭 役之日農畝時候之餘若敦以學業勘以經禮自可家 宣揚朝化其若是乎古人之學且耕且養今者民丁非 卒官子調起家秘書郎尋轉侍御史左僕射楊素當於 是天下州縣皆置博士習禮馬昂在州甚有惠政數年 弟順者乎始自京師爰及州郡宜祗朕意勸學行禮自 度執憲之職似塞耳而無聞溢民之官猶蔽目而不察 生常未能懲革問間士庶古凶之禮動悉乖方不依制

朝堂見調因獨言曰柳條通體弱獨搖不須風調飲板 或入處禮聞或出總方岳朱輪接較旗施成陰在周暨 煬帝嗣位累遷尚書左司郎時王綱不振朝士多贓貨 正色曰調信無取者公不當以為侍御史調信有可取 史臣曰韋氏自居京兆代有人物世康昆季餘慶所鍾 隋勲庸並茂威矣建安風韻開雅望重當時述恃寵縣 應發此言公當具瞻之秋樞機何可輕發素甚奇之 調清素守常為時所美然於幹用非其所長








第十頁前八行請決杜陽水灌三時原溉爲卤之 第十二頁後六行七行並處盡句疑有脱誤 謹案卷四十五第十二頁前七行糜貴百姓刊本 第十一頁後三行盛存第望刊本第望二字誤倒據 卷四十六第九頁後五行涉獵書記刊本獵記雅 據監本改 摩記麋今改後放此 地刊本灌訛溉流訛既據監本改

쉷 5四月日1 第九頁前二行注族兄品利本兄記弟按目録及 後六行與族人文城公昂俱歷顯要刊本城記成 第十七頁前五行釋褐奉朝請刊本褐記謁今改 卷四十七第四頁後七行咸應精服刊本應記 監本改 監本本傳告作兄令據改 據監本改 據監本及抑昂本傳改 行



校對官 覆校官 胨 録 檢 助 血 生 討 教 臣 Ę 臣 具省蘭 劉 郭 寅 垠